

PRESENTADA DE MACUMERE

Sa Tzitade de Macumere, posta in d'unu situ istratègicu de sas bias de sas comunicatziones de sas istradas e de sas ferrovias, depet a custa tzentralidade sa particularidade de s'istòria e de s'econòmia. Est istadu in sos sèculos su tzentru de atopu pro su cùmèrtziu, pro sa cultura e pro agregamentu sotziale.

In sos sèculos Macumere est diventada su tzentru de riferimentu pro un'area geografica manna, e custu at pèrmissu de isvilupare e infortigare in sos annos una retza manna pro su cumèrtziu: siat pro sa distributzione manna, siat pro sa distributzione minore, mancari a dies de oe, su settore de sa distributzione bivat in un'istadu de crisi manna.

Sa tzentralidade de su situ, ube s'agatat Macumere at portadu sa tzitade a àere unu ròlu de importu mannu pro sos servìtzios territoriales a livellu locales e sublocale.

In sa tzitade s'agatant meda de sas seas de sas istruturas de sos servìtzios, de s'istrutzione, de su trasportu cun sa ferrovia e de su trasportu sos postales, dae carchi anni, b'at puru sa sea de su V° Reggimentu de sos Gènios Guastadores de sa Brigada Tàtari de s'Esercitu Italianu.

Macumere at puru in disponimentu unu zassu bonu pro sos eventos: sas ex Casermas "Mura", torradas a fraigare a nou, ube cada annu, benit fatta sa FIERA DE SA SARDIGNA TZENTRALE, cun sa mostra de sos produtos de su cùmertziu, de sos mastros artigianos e de sos servìtzios; sa manifestatzione est diventada cussa de importu prus mannu a pustis de sa Sardigna, segunda solu a sa Fiera Internazionale de Casteddu.

Semper in sas ex Casermas "Mura", cada annu, at logu sa MUSTRA REGIONALE DE SU LIBRU, sa manifestatzione de sa cultura e de sos libros de importu prus mannu chi benit fata in Sardigna e chi at l'òmpidu sos deghe annos de atividade.

In su beranu, cando sas normas sanitàrias e veterinàrias lu pèrmitent, benint fatas sas mustras- mercadu (a livellu provintziale, regionale e nazionale) de su bestiàmene berveghinu, càprinu e bòinu, chi siat iscritu a s'Albu Genealògicu.

Macumere at unu territòriu mannu e riccu de pàsculos bonos meda pro s'allevamentu: su bestiàmene est de calidade seletzionada, balutadu 40 miliardi de liras betzas, in su territòriu de Macumere s'agatant 32.000 berveghes e 3.000 cabras.

No est de badas, chi Macumere benit numènada puru comente sa "SA CAPITALE DE SU CASU"!

In Macumere, b'at puru sa sea de su Consòrtziu Sardu- Latziale pro sa Tutela de su Casu Pecorinu- Romanu, su casu sardu, chi benit bèndidu de prus in su mundu (USA, Canada, etz.); in sa Zona Industriale s'agatant aziendas meda chi traballant miliones de litros de su latte a s'annu.

Innantis de sa crisi manna, Macumere fia sa "Capitale de su Settore Tessile Sardu", cun s'Alas- Texal e cun sa Tirsotex, Legler e Queen: aziendas chi in custos annos ant bidu limitadu s'apportu ocupatzionale a pagu o nudda.

Cheret amentada bene sa festa manna chi at logu in su Monte de Sant'Antoni (nadu in s'antigòria SAS COAS), dae sa die 1 a sa die 13 de su mese de làmpadas: sa festa in onore de Sant'Antoni de Paduva, chi est una festa ricca de Fide, Folklore e ispetaculare.

Macumere est abitada dae 11 personas e tenet 150 postos-lettos in sos albergos.

B'at unu *Museu Etnogràficu* e a luego at abbèrrere puru unu *Museu Archelògicu de su Màrghine*, in su tzentru istòricu de s'abitadu, inghiriadu dae istruturas de chirca subra s'istòria, subra de sa cultura, subra de sa limba de sa Sardigna.

De importu mannu pro s'isvilupu de oe e pro su benidore de Macumere, est sa presèntzia in tzitade de sa Caserma "Bechi Luserna", chi oe est sa sea de su V° Regimentu de su Gèniu Guastadores chi faghet parte de sa "Brigada Tàtari".

Sa Caserma est istada posta dae su Minìsteru de sa Difesa a intro de unu progetu –pilota comente “Caserma aberta e integrada cun su territòriu”, cun d’una serie de inditos chi sunt mirados a sa fraigada de istruturas isportias e pro su rìcreu, abertas a sa pobulatzione tzivile e sos militares cun pischina coberta, aulas multimediales pro s’insinniamentu universitàriu a tesu, Tzentru Polifuntzionale pro su tempus liberu, campos polivalentes e una discoteca.

ISCHEDA DE SINTESI SUBRA DE MACUMERE:

Comune: **Macumere** (iscritu) **Macumere, Macumele** (faeddadu)

Provìntzia: Nùgoro (NU)

Regione: Sardigna

Localidades e fraziones: -

Entes de su cale faghet parte: Unione de sos Comunes de su Màrghine, Regione Agraria n.5, Montìgios de sa Campeda e de su Màrghine, Area de sa Minòria Linguìstica Sarda (Declarada a sos sensos de sa Lege 482/99)

Pobulatzione chi at sa residèntzia: 10.727

Numenàdura de sos abitantès: Macumeresos, Macumelesos

Codighe pro s’ Istat: 091044

CAP: 08015

Prèfissu de sos telefonos: 0785

Santu Padronu: Santu Pantaleone Mannu

Festa de su Santu Patronu: sa die 27 de su mese de trìulas

Altària: 563 metri s.l.m.

Area de su territòriu comunale: 122,58 Km^q